



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Balvzii Miscellaneorum Liber ... Hoc est,
Collectio Veterum monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1678

Catalogus Abbatum monasterij Floriacensis.

urn:nbn:de:hbz:466:1-14688

C A T A L O G V S

ABBATVM FLORIANENSIVM.

Incipit nomina Abbatum sanctæ Mariæ & sancti Petri & Domni Benedicti Florianensis monasterij postquam primum ædificatum fuit.

PRIMVS Abbas Rigomarus habuit annos v. Secundus Abbas Mumolus annos xxx. Et infra istos xxx. annos corpus patris Benedicti allatum est de monte Cassino ab Aigulfo monacho anno d c l x. incarnationis Domini, Regis Clodovei temporibus filij Dagoberti.

Tertius Abbas Leodardus habuit annos x.

Quartus Abbas Ido habuit annum i. & dimidium.

Quintus Abbas Auderannus habuit dimidium annum.

Sextus Flatbertus habuit annos i i i.

Septimus Abbas Adalbertus habuit annos xxix.

Octavus Abbas Geilo annos xix.

Nonus Abbas Medo habuit annos xxi.

Decimus Abbas Rodulfus habuit annos xix.

Vndecimus Abbas Ido annos ix.

Duodecimus Abbas Magulfus annos xvi.

Tertius decimus Abbas Fulradus annum i. & dimidium.

Quartus decimus Abbas Theodulfus annos xix. & dimidium, qui à gloriosissimo Imperatore Karolo ex Hesperia propter eruditionis scientiam, qua pollebat, in Gallias adductus, Florianensibus Abbas & Aurelianensibus datus est Pontifex. Hic itaque

cum, ut diximus, eruditione præcipuus doctrinæque haberetur præclarus, explanationem edidit symboli sancti Athanasij, quod à monachis post tres regulares psalmos ad primam cotidie canitur. Sacramentum quoque Missæ seu eorum quæ in ea geruntur, quid mysterij contineant, aliquâque quamplura succincto narrandi genere luculentissimè digessit. Nec minus ei studium in elegantissimorum opere ædificiorum fuit. Denique Germaniacus dicitur villa tribus à nostro monasterio distans milibus. Hæc ab Abbatibus qui ante eum fuerant, maxima ex parte à fidelibus viris, quorum hereditas erat, partim data, partim vendita est. In hac igitur idem Theodulfus Abbas & Episcopus Ecclesiam tam mirifici operis construxit ut nullum in tota Neustria inveniri posset ædificij opus quod ei, antequam igne cremaretur, valeret æquari. Totam namque arcuato opere eandem extruens basilicam, ita floribus gipseis atque musivo ejus venustavit interiora, pavementum quoque marmoreo depinxit emblemate, ut oculi intuentium vix grata satiarentur specie. Porro in matherio turris de qua signa pendebant, hujuscemodi inseruit versus argenteo colore expressos.

*Hac in honore Dei Theodulfus templa sacravi,
Quæ dum quisquis adis oro memento mei.*

Vide Letaldum c. 3. de mirac. S. Maximini Miciac.

Æmulatus itaque in hoc facto magnum Karolum, qui ea tempestate Aquisgrani palatio tanti decoris ædificaverat Ecclesiam ut in omni Gallia nullam habeat similem. Verùm memoratus Princeps illud quod fecerat templum, sanctæ Dei genitricis Mariæ dedicari sub honore præcepit. At verò Theodulfus aulam à se constructam omnium conditori ac salvatori rerum Deo consecrans, Cherubin

gloriæ obumbrantia propitiatorum super altare ipsius artificiosissimo magisterio expressum his decoravit versibus.

Oraculum sanctum & Cherubim hic aspice spectans.

Et testamenti en micat arca Dei.

*Hac cernens, precibusque studens pulsare tonantem,
Theodulphum votis jungito queso tuis.*

Sed quia semper sapientibus invidetur, difficileque est in prosperis invidia carere, apud Imperatorem Ludovicum ab æmulis accusatus conjurationis adversus eum factæ conscius fuisse, Andegavis exiliatus, custodiæ etiam mancipatus est; ubi in die palmarum, præsentem ipso Rege, illos pulcherrimos versus gloriam laudis Christi personantes, qui hodie per universas Gallias ab ecclesiasticis decantantur viris, è turri in qua custodiebatur à se compositos cecinit, quorum est exordium.

Gloria, laus, & honor tibi sit, Christe redemptor,

Cui puerile decus promsit hosanna pium.

